

KO E

TAU TOHI TAPU

O E MAGA HE MAVEHEAGA TUAI

MO E

MAVEHEAGA FOU KATOA

KUA

LILIU KE HE VAGAHAU NIUÉ.

L O N D O N :

PRINTED FOR THE

BRITISH AND FOREIGN BIBLE SOCIETY,
146, QUEEN VICTORIA STREET.

1893.

KO E KENÈSE.

KO E

TOHI FAKAMUA A MOSE.

KO E VEVEHEAGA I.

Ko e foaoaga he lagi mo e latolagi.

N E eke he Atua e lagi mo e latolagi ke he kamataaga.

2 Na manumi noa e latolagi mo e teao, na ifuifi foki e moana he pouli ; ne galuhaua foki Agaga he Atua ki luga he fuga vai.

3 Ne pehe mai e Atua, Kia maama ; ti maama ai ni.

4 Ti kitekite e Atua ke he maama, kua mitaki ; ti vevehe ai he Atua e maama mo e pouli.

5 Ti ui he Atua e maama, Ko e aho ; ka e ui e ia e pouli, Ko e po. Ko e afiafi mo e pogipogi ko e aho fakamua haia.

6 ¶ Ne pehe mai e Atua, Kia ha he vaha he tau vai e lagi likoliko, ke eke mo veveheaga he falu a vai mo e falu a vai.

7 Ne eke he Atua e lagi likoliko, kua vevehe aki e tau vai i lalo he lagi likoliko mo e tau vai i luga he lagi likoliko ; ti pihia ni.

8 Ti ui he Atua e lagi likoliko, Ko e lagi. Ko e afiafi mo e pogipogi ko e aho ia haia.

9 ¶ Ne pehe mai e Atua, Kia fakapotopoto ke he meno taha e tau vai i lalo he lagi, kia kitia foki e meno momo ; ti pihia ni.

10 Ti ui he Atua e meno momo, Ko e kelekele ; ka e ui e ia e fakapotopotoaga he tau vai, Ko e tahi ; ti kitekite e Atua ki aia kua mitaki.

11 Ne pehe mai e Atua, Kia tupu mai he kelekele e tau lau kou, mo e akau tote ke tupu mo e hana fua, mo e akau fua ke kai ke fua mai takitaha mo e hana fua, ha ia ia ni hana tegak e he latolagi ; ti pihia ni.

12 Ti tupu mai he kelekele e tau lau kou, ko e akau tote ke fua mai, takitaha mo e hana fua, mo e akau fua ke kai, ha ia ia ni hana tegak, takitaha mo e hana iua ; ti kitekite e Atua ki aia kua mitaki.

13 Ko e afiafi mo e pogipogi ko e aho tolua haia.

14 ¶ Ne pehe mai e Atua, Kia ha ha he valha likoliko he lagi e tau meno ke fakamaama aki, ke katofia ai e aho mo e po ; kia eke foki mo tau fakamailoga, mo tau valha, mo tau aho, mo tau tau.

15 Kia eke foki mo tau meno ke fakamaama aki ke he valha likoliko he lagi, ke fakamaama aki e latolagi ; ti pihia ni.

16 Ti eke ai he Atua e na maama lalahi ua ; ko e maama lalhi ke pule ke he aho, ka ko e maama tote ke pule ke he po ; ne eke foki e ia e tau fetu.

17 Ne tuku ai he Atua ke he valha likoliko he lagi, ke fakamaama aki e latolagi ;

18 Ke pule foki ke he aho mo e po, mo e kafoki e maama mo e pouli ; ti kitekite e Atua ki aia kua mitaki.

19 Ko e afiafi mo e pogipogi ko e aho fa haia.

20 Ne pehe mai e Atua, Kia pa loga mai he vai e tau meno momoui oti kua totolo, ne pa loga mai he vai, takitaha mo e hana kakano, mo e tau manu lele oti takitaha mo e hana kakano ; ti kitekite e Atua ki ai kua mitaki.

21 Ne eke foki he Atua e tau tanimo lalahi, mo e tau meno momoui oti kua totolo, ne pa loga mai he vai, takitaha mo e hana kakano, mo e tau manu lele oti takitaha mo e hana kakano ; ti kitekite e Atua ki ai kua mitaki.

22 Ti fakamomuina atu ai he Atua, kua pehe atu, Kia fanau ā mo e fakaloga, kia puke ai foki e tahi ; kia fakaloga foki e tau manu lele ke he kelekele.

23 Ko e afiafi mo e pogipogi ko e aho lima haia.

24 ¶ Ne pehe mai e Atua, Kia tutupu mai e tau meno momoui mai he kelekele, takitaha mo e hana kakano, ko e tau manu huifa he kaina mo e tau meno totolo, mo e tau manu huifa he vao, takitaha mo e hana kakano ; ti pihia ni.

25 Ne eke foki he Atua e tau manu huifa he vao, takitaha mo e hana kakano, mo e tau manu huifa he kaina, takitaha mo e hana kakano, katoa mo e tau meno oti kua totolo ke he kelekele, takitaha mo e hana kakano ; ti kitekite e Atua ki ai kua mitaki.

26 ¶ Ti pehe age ai e Atua, Kia eke e tautolu e tagata ke he ha tautolu a fakatai, ke tuga a tautolu ; kia pule foki a lautolu ke he tau ika he tahi, mo e tau manu lele he pulagi, mo e tau manu huifa, mo e kelekele oti kana, katoa mo e tau meno totolo oti kua totolo ke he kelekele.

27 Ti eke ai he Atua e tagata ke he hana